



Մ Ա Յ Ր Ա Թ Ո Ռ Ո Ւ Մ

Մարտի 3-ին, հինգշաբթի.—Աագ հինգշաբթի. Յիշատակ ընթերցեաց Տեառն մերոյ և փրկչին Յիսուսի Քրիստոսի.

Մայր տաճարում պատարագեց տ. Հակոբ քհն. Հակոբյանը: «Հայր մեր»-ից առաջ քարոզում է Մայր տաճարի լուսարարայետ տ. Հայկազուն արքեպ. Աբրահամյանը:

Երեկոյան ժամը 5-ին Մայր տաճարում ավանդական հանդիսավորութեամբ կատարվեց «Ուտնալուս»-ի արարողութիւնը, լուսարարայետ տ. Հայկազուն արքեպիսկոպոսի հանդիսագործութեամբ:

Ժամը 7-ին սկսվեց խավարման գիշերի արարողութիւնը Վեհափառ Հայրապետի նախագահութեամբ: «Միրտ իմ սասանի վասն Յուդայի» բնարանով քարոզեց տ. Հուսիկ եպս. Սանթրոյանը:

Նույն օրը Մայր Աթոռ այցելեց «Նյու-Յորք թայմս» թերթի թղթակից Հենրի Կեմը՝ իր կնոջ հետ միասին: Հյուրերը եղան Մայր տաճարում, թանգարանում:

Հյուրերին ընդունեց Վեհափառ Հայրապետը:

Նույն օրը Մայր Աթոռ ժամանեց ևս հնդկի մալաբար եկեղեցու միաբան բարեշնորհ Զաքարիա սարկավազը: Բարեշնորհ հյուրը շորս օր Մայր Աթոռում մնալուց հետո, մեկնեց մարտի 7-ին:

*
* *

Ապրիլի 4-ին, ուրբաթ.—Յիշատակ շաբաթուց և խաչելութեան Տեառն մերոյ և փրկչին Յիսուսի Քրիստոսի.

Առավոտյան ժամը 10-ին Մայր տաճարում կատարվեց «Կարգ խաչելութեան» գլխավորութեամբ տ. Հայկազուն արքեպ. Աբրահամյանի:

Երեկոյան ժամը 5-ին Վեհափառ Հայրապետի հանդիսագործութեամբ Մայր տաճարում կատարվեց «Կարգ թաղման»:

*
* *

Ապրիլի 5-ին, շաբաթ.—Աագ շաբաթ. ճրագալոյց Զատիկի.

Մայր տաճարում կատարվեց առավոտյան ժամերգութիւն՝ ճեմարանի սաների կատարմամբ:

Երեկոյան ճրագալոյցի ժամերգութեան ժամանակ, ճեմարանի սաները ընթերցեցին Դանիելի գիրքը: Ավագ սեղանի վրա ճրագալոյցի ս. պատարագ մատուցեց տ. Հուսիկ եպս. Սանթրոյանը:

*
* *

Ապրիլի 7-ին, երկուշաբթի.—Աւետումն Ս. Աստուածածնին.

Մայր տաճարում ս. պատարագ է մատուցում տ. Նշան քհն. Բեյլերյանը:

Հավարտ ս. պատարագի կատարվում է հոգեհանգիստ՝ նվիրված համայն հայ ժողովրդի ննջեցյալների հիշատակին:

*
* *

Ապրիլի 11-ին, ուրբաթ.—Կեսօրից հետո, ժամը 4-ին, Վեհափառ Հայրապետի նախախագահութեամբ, Վեհարանում գումարվեց Մայր Աթոռին առնթր ճարտարապետական հանձնաժողովի հերթական նիստը, որը քննարկեց Մայրավանքի շրջափակում, հին Վեհարանում և Գեղարդա վանքում վերանորոգչական աշխատանքների ընթացքը:

*
* *

Ապրիլի 13-ին, կիրակի.—Կրկնագատիկ (նոր կիրակի).

Մայր տաճարում ս. պատարագ մատուցեց տ. Մուշեղ վրդ. Պետիկյանը: «Հայր մեր»-ից առաջ ոգեշունչ քարոզ խոսեց լուսարարայետ տ. Հայկազուն արքեպ. Աբրահամյանը՝ «Մահումբը դմա՜հ կոխեաց և յարութեամբն իւրով մեզ զկեանս պարգեհաց» բնաբանով:

* *

Ապրիլի 17-ին, հինգշաբթի.—Հոգևոր ճեմարանի հանդիսարանում տեղի ունեցավ ջութակի համերգ՝ մասնակցությամբ ջութակահար Հրաչ Սվաճյանի։ Դաշնամուրի վրա նվագակցում էր ջութակահարի քույրը՝ Սիրվարդ Սվաճյանը։ Կատարվեցին հատվածներ դասական երաժշտական ստեղծագործություններից։ Վերջում հոգևոր ճեմարանի տեսուչ տ. Ներսես Ժ. վրդ. Պողապպյանը շնորհակալություն հայտնեց արվեստագետ քույր և եղբայր Սվաճյաններին և նրանց բարեմաղթեց նորանոր հաջողություններ ապագայում։

* *

Ապրիլի 20-ին, կիրակի.—Աշխարհամատրան Կանաչ Կիրակի.

Մայր տաճարում պատարագեց արժ. տ. Հակոբ քհն. Հակոբյանը։ «Հայր մեր»-ից առաջ քարոզեց տ. Հովհաննես քհն. Մարությանը՝ «Թագաւոր երկնաւոր, զեկեղեցի քո անշարժ պահեա» բնաբանով։

* *

Ապրիլի 24-ին, հինգշաբթի.—«Յիշատակ քիւրատուր նահատակացն մերոց որք կատարեցան յընթացս համաշխարհային առաջին պատերազմի».

Ապրիլյան եղեռնի հիսունչորսերորդ տարեդարձի առիթով Մայր տաճարում պատարագ մատուցեց և քարոզեց լուսարար պետ տ. Հայկազուն արքեպ. Աբրահամյանը՝ «Չար քան դմահ անմեղին է ինձ կորուստ կենդանւոյն» բնաբանով։

Ապրիլյան եղեռնի նահատակների խնկելի հիշատակին, հավարտ ս. պատարագի, Մայր տաճարում կատարվում է հոգեհանգիստ՝ Վեհափառ Հայրապետի հանդիսադրությամբ։ Ապա Ն. Ս. Օծությունը եկեղեցական թափորով առաջնորդվում է՝ Մայր տաճարի հյուսիսային շրջափակում Ապրիլյան նահատակաց հուշարձանի մոտ, որտեղ ևս կատարվում է հոգեհանգստյան հատուկ արարողություն՝ հոծ բաղմունքյան ներկայությամբ։

